

佛說因緣僧護經

三百五
學二

4979 ✓



元祿九年丙子二月日重脩

皇圖瓊閣 帝階綴昌

佛日增輝 懋輪常轉

山城州天安寺法金剛院置



佛說因緣僧護經

失譯今附東晉錄

學二

如是我聞一時佛住舍衛國祇樹給孤獨園
與大比丘衆八萬人諸菩薩三萬六千人俱
爾時有一大海龍王初發信心變為人形來
至園中依諸比丘求欲出家時諸比丘不知
是龍即度出家有一年少比丘共同
一宿已於其晨朝執持威儀詣城乞
比丘福德果報乞食先得或詣本宮食已早
還比丘之法食後入房攝心坐禪時龍比丘
忘於掩戶龍性多睡天時暑熱龍有五法不
能隱身一者生時二者死時三者姪時四者



瞋時五者睡時是為五事時龍比丘不能隱
 身即便睡眠身滿房中同房比丘後來入房
 唯見龍身遍滿房中即大驚怖馳走失聲喚
 諸比丘大德長老此有龍王此有龍王龍聞
 大聲即便覺悟還為比丘加跌坐禪因聲高
 大大眾雲集問此少年比丘何故揚聲比丘
字三
 答曰房中有龍時諸大眾尋即共集入房覓
 龍不得但見比丘加跌坐禪便大驚愕不知
 所以即往問佛具說上事請決所疑尔時世
 尊告諸比丘此非人也乃是龍王汝可往喚
 比丘受教喚彼龍王時龍比丘即詣佛所頭
 面作禮却坐一面佛為說法示教利喜佛即

默然

八
尔時龍王心自思惟便生歡喜佛慰勞曰汝
可還宮龍王聞已哀泣墮淚頂禮佛足遠佛
三帀即便還去於其中路而自思惟我今雖
復不得出家於佛法中作大檀越造立僧房
四事供養作是念已即於曠路化作僧坊流
泉浴池遊觀園林甚成閑靜又無人衆憤鬧
之處晝夜逍遙復無蟲蟻蚊虻之屬不寒不
暑溫和調適無諸惱患請諸衆僧衣服飲食
卧具湯藥所須之物皆悉備足持律比丘數
數呵責時龍比丘不解經戒每自懷惱心自
念言我今供養衆事悉備而諸比丘故見呵

責便滅化寺更往空處復造化寺宮殿林泉
 與前無異復請衆僧四事供養時諸衆僧語
 龍比丘衆僧厨庫頭數其多寺主之法應以
 計等頭數來示衆僧時龍答曰本非僧物今
 索抄記云為造作盡是我有今諸比丘難可
 供給若如是者小可耐意於其中夜滅寺還
 宮

字二

二

尔時舍衛國中有五百商人共立言誓欲入
 大海商人共議求覓法師將入大海時時問
 法因聞法利可得往還商人衆中有一長者
 告諸商人我有門師名曰僧護可請為師辯
 才多智甚能說法時諸商人相隨往請到僧

護所頭面作禮白僧護曰我等諸人欲入大
 海今請大德作說法師我等聞法可得往還
 僧護答曰可白和尚和尚若聽當受汝請僧
 護比丘將諸商人詣舍利弗所頭面作禮時
 諸商人白舍利弗言我等諸人欲入大海今
 請僧護作說法師惟願尊者賜見聽許舍利
 弗言可共問佛時舍利弗及僧護比丘將諸
 商人往詣佛所頭面作禮長跪合掌而白佛
 言世尊我等諸人欲入大海請僧護尊者作
 說法師時時問法因聞法力可得往還
 今時世尊知僧護比丘應廣度衆生即便聽
 許時諸商人踊躍歡喜與僧護法師俱入大

海未至寶所龍王捉住時諸商人甚大驚怖
胡跪合掌而仰問曰是何神祇而捉舩住若
欲所得應現身形今時龍王忽然現身時諸
商人即便問曰欲何所索龍王答曰以此與
我僧護比丘商人答曰此僧護比丘從佛世
尊及舍利弗所而請將來云何得與龍王答
學三曰若不與我盡沒殺汝時諸商人即大驚怖
尋自思惟曾於佛所聞如是偈

為護一家寧捨一人為護一村寧捨一家為
護一國寧捨一村為護身命捨於國財時諸
商人愧仰不已以僧護比丘捨與龍王龍王
歡喜詣詣宮中今時龍王即以四龍聰明智

慧作僧護弟子龍王白言尊者為我教此四
龍各與一阿舍第一龍者教增一阿舍第二
龍者教中阿舍第三龍者教雜阿舍第四龍
者教長阿舍僧護答曰可尔當教僧護比丘
即便教之第一龍者默然聽受第二龍者泯
目口誦第三龍者回顧聽受第四龍者遠性
聽受此四龍子聽明智慧於六月中誦四阿
舍領在心懷盡無遺餘時大龍王詣僧護所
并跪問訊不愁悶不僧護答曰甚大愁悶龍
王問曰何故愁悶僧護答曰受持法者要須
軌則此諸龍等在畜生道無軌則心不知佛
法受持誦習龍王白言大德不應呵諸龍等

所以者何護師命故龍有四毒不得如法受
持讀誦何以故默然受者以聲毒故不得如
法若出聲者必害師命是故默然而受泯目
受者以見毒故不得如法若見師者必害師
命是故閉目迴顧受者以氣毒故不得如法
若氣^{學二}噓師必當害命是以迴顧遠住受者以
觸毒故不得如法若身觸師必害師命是以
遠住而受時諸商人採寶還迴至失師處時
諸商人共相謂言我等本時於此失師今若
還到佛世尊所舍利弗目連諸尊者等若問
於我僧護法師當以何答尔時龍王知商人
還即將僧護付歸商人告商人曰此是汝師

僧護比丘時諸商人踊躍歡喜平安得出
。 今時僧護問諸商人水陸二道從何道去商
人白言水道甚遠經過六月糧食將盡不可
得達即共詳宜從陸道去於中路宿時僧護
比丘告商人曰吾離衆宿汝等夜發揚聲喚
我商人敬諾僧護比丘即出衆宿初夜坐禪
中夜眠息時諸商人中夜發引連互相謂喚
僧護師竟無喚者即便捨去夜勢將盡大風
雨起僧護比丘即便覺寤揚聲大喚竟無應
者心口念言此便大罪伴棄我去
。 今時僧護比丘失伴獨去涉路未遠聞捷推
聲尋聲向寺路值一人即便問曰何因緣故

打撻雜聲其人答曰入涅槃室浴僧護念言我
從遠來可就僧浴即入僧坊見諸人等狀似
衆僧共入温室見諸浴具浴衣瓦甌瓊器浴
室盡皆火然二時僧護比丘見諸比丘共入
温室入已火然筋肉消盡骨如焦炷僧護驚
怖問諸比丘汝是何人比丘答曰閻浮提人
為性難信汝到佛所便可問佛即便驚怖捨
寺跳走進路未遠復值一寺其寺嚴博殊能
精好亦聞雜聲復見比丘即便問言何因緣
故打撻雜聲比丘答曰衆僧食飯尋自思惟
我今遠來甚成飢乏亦復須食入僧坊已見
僧和集食器數具皆悉火然人及房舍盡皆

火然如前不異僧護問言汝是何人其人答
言更不異前僧護驚怖更疾捨去進路未遠
復更值一寺其寺嚴儀更不異前前入僧坊
復見諸比丘坐於火淋互相爪挫肉盡筋出
五藏骨髓亦如焦炷僧護問曰汝是何人比
丘答言閻浮提人為性難信汝到佛所便可
問佛僧護驚怖復疾捨去進路未遠復值一
寺如前入寺見諸衆僧共坐而食諸比丘言
汝今出去僧護踟躕未及出去見諸比丘鉢
中唯是人糞熱沸涌出時諸比丘皆悉食噉
食已火然咽喉五藏皆成烟炭流下直過見
已驚怖復疾而去其去未遠復見一寺其寺

嚴儀如前不異即入僧坊見諸比丘手把鐵
 推互相棒打摧碎如塵見已驚怖復更進路
 其去未遠復見一寺其寺嚴好亦不異前即
 入僧坊聞捷椎聲僧護問曰何故打推諸比
 丘言欲飲酪漿僧謂比丘即自念言我今渴
 乏須飲字三餅漿即入象中見諸食器淋卧敷具
 諸比丘等互相罵辱諸食器中盛滿六鎔銅諸
 比丘等皆共飲噉食已火然咽噴五藏皆成
 炭火流下直過見已驚怖進路而去其去未
 遠見大肉地其火炎熾叫聲號痛苦楚難忍
 見已驚怖進路而去其去未遠復見大地如
 前無異復更前進見大肉甕盡皆火然熱疼

難忍如前無異復更前進亦見肉甕盡皆火
 然如前不異復更前進見一肉甕其火炎熾
 叫聲號苦毒痛難忍復更前進見一肉甕其
 火焰熾如前不異復更前進見大皮泉其火
 焰熾爛皮浩沸苦聲楚毒亦不異前見已驚
 怖復更前進其路未遠更見一大肉甕其火
 焰熾苦事如前復更前進見一比丘手捉利
 刀而自刎鼻則已復生生已復刎終而復始
 無有休息復更前進見一比丘手捉鋸斧自
 斫已古終而復始如前不異復更前進見一
 比丘水中獨立口自唱言水水不息而受苦
 毒復更前進見一比丘在鐵刺園立鐵刺上



苦聲号叫亦不異前復更前進見一肉廳其
 火焰熾苦聲号叫與前不異復更進前見一
 肉楸形如象牙其火焰熾受苦如前復更前
 進見一駱駝火燒身體苦聲号叫亦不異前
 復更前進見馬一疋火燒身體苦痛号叫亦
 不異前復更前進見一白象熾火燒身苦不
 異前復更前進見一驢身猛火燒身苦不異
 前復更前進見一羝羊猛火燒身苦不異前
 復更前進見一肉臺大火焰熾苦不異前復
 更前進見一肉臺如前不異復更前進見一
 肉房猛火燒身苦聲号叫亦不異前復更前
 進見一肉牀苦聲号叫苦不異前復更前進



見一肉淋焰火燒身亦不異前復更前進見
 一肉秤火燒申縮若不異前復更前進見一
 肉拘執火燒申縮若不異前復更前進見一
 肉繩淋火燒受若不異前復更前進見一
 肉壁火燒搖動若不異前復更前進見一肉
 索火燒申縮若不異前復更前進見一廁井
 屎尿涌沸若不異前復更前進見一高座上
 有比丘攝心端坐猛火楚燒若不聲如前復更
 前進更見高座受若不異前復更前進
 進見肉捷稚火燒若不聲亦不異前復更前進
 見肉胡岐支胡名拘修羅猛火燒身受若不
 復更前進見一肉拘修羅受若不聲如前復更前



進見大肉山猛火燒爛震動號吼苦不異前
 復更前進見須曼那華樹火燒受苦亦不異
 前復更前進更見須曼那華樹火燒出聲亦
 不異前復更前進見肉華樹火燒出聲苦不
 異前復更前進見肉果樹火燒苦聲亦不異
 前復更前進更見一樹火燒受苦亦不異前
學二
 復更前進見一肉柱火燒受苦亦不異前復
 更前進更見一肉柱獄卒斧斫受苦如前復
 更前進見一肉柱火燒受苦亦不異前復更
 前進見十四肉樹火燒受苦亦不異前復更
 前進見二比丘以拳相打頭破腦裂膿血流
 出消已還生終以復始苦不休息僧護比丘

小更前進見二沙弥眠卧相抱猛火燒身苦
不休息僧護比丘見已驚怖問沙彌言汝是
何人受如是苦沙彌答言閻浮提人受性難
信汝到世尊所便可問佛見已驚怖復更進
路遙見林樹榮茂可樂往趣入林見五百仙
人遊止林間仙人見僧護比丘馳散避去相
共謂言釋迦弟子汙我等因僧護比丘從仙
人借樹寄止一宿明當早去仙人象中第一
上座有大慈悲勅諸小仙借沙門樹僧護比
丘即得一樹於其樹下敷尼師壇加趺而坐
於初夜中伏滅五蓋中夜眠息後夜端坐高
聲作唄時諸仙人聞作唄聲悟解性空證不

還果見法歡喜詣沙門所頭面作禮請祈沙
門受三歸依於佛法中求欲出家今時僧護
比丘即度仙人如法出家教修禪法不久得
定證羅漢果如栴檀栴檀自相圍遠得道比
丘賢聖為衆今時僧護比丘與諸弟子俱共
詣舍衛國中祇桓精舍到於佛所頭面禮足
却坐一面

今時世尊慰勞諸比丘汝等行路不疲苦耶
乞食易得不今時僧護比丘白佛言世尊我
等行路不大疲苦乞食易得不生勞勤得見
世尊

今時世尊為諸大衆而說法要今時僧護比

丘於世尊前在大象中高聲唱說已先所見
地獄因緣唯願世尊為我說本因緣佛告僧
護汝先所見比丘浴室此非比丘亦非浴室
是地獄人此諸罪人迦葉佛時是出家比丘
不依戒律順已愚情以僧浴具及諸器物隨
意而用持律比丘常教軌矧不順其教從迦
葉佛涅槃已來受地獄苦注今不息佛告僧
護汝初見寺非是僧寺亦非比丘是地獄人
迦葉佛時是出家人五德不成四方僧物不
打撻推象豨兵用以是因緣受火淋苦從迦
葉佛涅槃已來受地獄苦至今不息汝見第
二寺者亦非僧寺復非比丘是地獄人迦葉

佛時是出家人五德不具諸檀越等造作寺
廟四事豐足檀越初心造寺之時要打犍推
作曠濟意是諸比丘不打犍推默然受用容
比丘來不得飲食還空鉢出以是因緣受火
燒苦遍相瓜捶筋肉消盡骨如焦炷從迦葉
佛涅槃已來受如是苦至今不息汝見第三
寺者非是僧寺亦非比丘是地獄人迦葉佛
時是出家人懈怠比丘多人共住共相謂言
我等今者可共請一持律比丘共作法事可
得如法即時推覓得一淨行比丘共住食宿
此淨行比丘復更推覓同行比丘時淨行人
轉轉增多即便追逐令出寺外時破戒人於

夜分中以火燒寺滅諸比丘以是因緣手捉
鐵椎互相推滅從迦葉佛涅槃已來受大苦
惱至今不息汝見第四者者非是僧寺亦非
比丘是地獄人迦葉佛時是出家人常住寺
中有諸擅越施脂肉求應現前分時有客僧
來舊住比丘以慳心故待客出去後方欲分
未及得分虫出臭爛捐棄於外以是因緣入
地獄中散糞屎食從迦葉佛涅槃已來受苦
不息汝見第五寺者非是僧寺亦非比丘是
地獄人迦葉佛時是出家人臨中食上不如
法食惡口相罵以是因緣受鐵牀苦諸食器
中沸火湯然筋肉消盡骨如焦炷從迦葉佛

涅槃已來至今不息汝見第六寺者非是僧
寺亦非比丘是地獄人迦葉佛時是出家人
不打撻推默然共飲象僧聒漿恐外僧來慳
因緣故墮地獄中飲散鎔銅從迦葉佛涅槃
已來受苦至今不息

八學二
今時佛復告僧護比丘汝見第一地者非是

大地是地獄人迦葉佛時是出家人象僧田
中為已私種不酬僧直時持律比丘依戒呵
責汝今云何不酬僧直是人今時依恃王勢
不受教誨答諸比丘我是汝奴汝若有力何
不自種以是因緣受火地獄苦從迦葉佛涅
槃已來至今不息汝見第二地者非是大地

乃是罪人迦葉佛時是白衣人在僧田種不
剛僧直以是因緣墮地獄中作大肉地受諸
苦惱至今不息汝見第一肉瓠者非是肉瓠
也乃是罪人迦葉佛時是衆僧上座不能禪
誦不解戒律飽食熟睡但能論說無益之語
精餽供養在先飲食以是因緣入地獄中作
大肉瓠火燒受苦至今不息汝見第二瓠者
非是瓠耶是地獄人迦葉佛時是出家人五
德不具為僧當廚軟美供養在先食噉鹿澀
惡者僧中行付以是因緣入地獄中作大肉
瓠火燒受苦至今不息汝見第三瓠者非是
瓠也是地獄人迦葉佛時是僧淨人詐飲食

時美妙好者先自掌敬或與婦兒鹿豕惡菴
持僧中行以是因緣在地獄中作大肉瓠火
燒受苦至今不息

今時世尊復告僧護比丘汝見第一餅者非
是瓶也是地獄人迦葉佛時是出家人為僧

當厨應朝食者留至後日十二後日十二後者食第三

日以是十二因緣入地獄中作大肉瓠火燒受苦

至今不息汝見第二瓶者非是瓶耶是地獄

人迦葉佛時是出家人在寺常住有諸檀越

奉送酥瓶供養現前衆僧人人應分此當事

人見有客僧隱留在後客僧去已然後乃分

以是因緣入地獄中作大肉瓠火燒受苦

今不息汝先見水中立人非是比丘是地獄
人迦葉佛時是出家人為僧當水見僧用水
小復過多逐可意處即足其水餘者不給以
是因緣入地獄中水中獨立唱言水亦受其
大苦至今不息

汝見大甕者非是大甕是地獄人迦葉佛時
是出家人為僧典知果菜香美好者先自食
噉酸果澁菜或逐隨意選好者與不平等故
以是因緣入地獄中作大肉甕火燒受苦至
今不息

汝見比丘刀削鼻者非是比丘是地獄人迦
葉佛時是出家人在佛僧涕地涕唾行地

是因緣入地獄中刀刑已畢火燒受苦至今
不息汝見比丘手捉斫斧自斫已否非是比
丘是地獄人迦葉佛時出家沙彌而為衆僧
當分石蜜斫作分數於斧刃上少著石蜜沙
弥散紙以是因緣受斫舌苦至今不息

今時世尊復告僧護比丘汝見泉者非是水

等二

十三

泉是地獄人迦葉佛時是出家沙弥為僧當
蜜先自嘗散後付衆僧減少不遍以是因緣
入地獄中作大肉泉火燒沸爛受大苦惱今
猶未息

汝見比丘刺上立者非是比丘是地獄人迦
葉佛時是出家人以惡口毀咎罵詈比丘

是因緣入地獄中立鐵刺上火燒受苦至今
不息汝見肉軒非是軒耶是地獄中人迦葉
佛時是出家人寺中常住五德不具為僧當
厨精美好者先自食馘或時將與白衣使食
高下心中行付衆僧以是因緣受地獄苦至
今不息汝見肉擲者實非是擲是地獄人迦
葉佛時是出家人寺中常住僧牆壁上浪豎
諸擲非為僧事懸已衣鉢以是因緣入地獄
中作大肉擲火燒受苦至今不息
尔時世尊復告僧護汝見駱駝者實非是駱
駝是地獄人迦葉佛時是出家人寺中上座
長受食分或得一人二人食分持律比丘如

法教授上座之法不應如是時老比丘答

師言汝無所知聲如駱駝我於眾中身為上

座咒願說法或時作唄計勞應得汝等何故

恒瞋責我以是因緣入於地獄受駱駝身火

燒号叫至今不息汝見馬者實非是馬是地

獄人學三迦葉佛時作僧淨人用僧供養過分食

噉或與眷屬知識白衣諸比丘等呵責語言高

汝不應尔其人惡口呵諸比丘汝猶如馬常

食不飽我為僧作甚大勞苦功勲應得以是

因緣入地獄中受於馬身火燒身體受大苦

惱至今不息汝見象者非是白象是地獄人

迦葉佛時是出家人為僧當厨諸檀越等

諸供養向寺施僧或食後來擅越白高。大德
日猶故未可打撻雅集僧施食比丘惡口答
白衣言諸比丘等猶如白象食不飽也向食
已竟停留後日以是因緣入於地獄受白象
身火燒受苦至今不息汝見驢者實非是驢
是地獄人迦葉佛時是出家人為僧當廚五
德不具分僧飲食恒自長受二三人分持律
比丘如法呵責此人答言我當僧廚及園果
菜常營僧事甚大勞苦汝諸比丘不知我思
狀似如驢但養一身何不點然以是因緣入
地獄中驢身受苦至今不息汝見羝羊實非
羝羊是地獄人迦葉佛時是出家人為僧寺

主當田內外事事檢校不勅弟子諸小比丘
不如法打糴諸律師等白言寺主何不時節
鳴雅集僧比丘答言我當營僧事甚成勞苦
汝諸比丘猶如羝羊散食而住何不自打以
是因緣入地獄中受羝羊形火燒痛毒受苦
至今不息

學二

十五

爾時世尊復告僧護比丘汝見肉臺實非是
臺是地獄人迦葉佛時是出家人當僧房數
具閉僧房門將僧戶排四方遊行衆僧於後
不得數具及諸房舍以是因緣入地獄中作
大肉臺火燒受苦至今不息汝見第二大肉
臺實非是臺是地獄人迦葉佛時是出家人

為僧寺主選好房舍而自受用及與知識不
依戒律隨次分房不平等故以是因緣入於
地獄作大肉臺受苦萬端至今不息汝見肉
房有非是肉房是地獄人迦葉佛時是出家
人住僧房中似是已有終身不移不依戒律
以次分房以是因緣作大肉房火燒受苦至
今不息

今時世尊復告僧護汝見肉繩牀實非是牀
是地獄人迦葉佛時是出家人捉僧繩牀不
依戒律如自己已有以次分床以是因緣入於
地獄作肉繩牀火燒受苦至今不息汝見第
二繩牀實非是牀是地獄人迦葉佛時是出

家人破僧繩床自用然火以是因緣入地獄
中作肉繩床火燒受苦至今不息汝見肉敷
具者實非敷具是地獄人迦葉佛時是出家
人用僧敷具如自己有用以脚踏上不依戒律
以是因緣入地獄中作肉敷具火燒申縮受
苦萬端至今不息汝見肉拘執者實非拘執
是地獄人迦葉佛時是出家人以僧拘執如
自己有不依戒律用或破壞以是因緣入地
獄中作肉拘執火燒受苦至今不息汝見肉
繩床者實非是床是地獄人迦葉佛時是出
家人恃王勢力似如聖德四輩弟子聖心讚
嘆時彼比丘點然受嘆施好繩床及諸好飲

食作聖心受以是因緣入地獄中作肉繩
火燒受苦至今不息汝見肉壁者實非是壁
是地獄人迦葉佛時是出家人象僧壁上豎
椽破壁懸已衣鉢以是因緣入於地獄作大
肉壁火燒受苦至今不息汝見肉索實非是
索是地獄人迦葉佛時是出家人捉象僧索
私自已用以是因緣墮地獄中作大肉索火
燒受苦至今不息汝見廁井實非廁井是地
獄人迦葉佛時是出家人住寺比丘佛僧淨
地大小便利不擇處所持律比丘如法呵責
不受教誨糞氣臭穢熏諸衆僧以是因緣入
地獄中作肉廁井火燒受苦至今不息汝見

高座法師實非法師是地獄人迦葉佛時是
出家人不明律藏說重作輕說輕為重有根
之人說作無根無根之人說道有根應懺悔
者說言不懺不應懺者強說道懺以是因緣
入地獄中坐高座上火燒受苦至今不息汝
見第二高座實非法師是地獄人迦葉佛時
是學二大法師邪命說法得利養處如理而說無
利養時法說非法非法說法以是因緣入於
地獄處鐵高座火燒受苦至今不息汝見肉
捷稚号叫聲者實非捷稚是地獄人迦葉佛
時是出家人以三寶物非法打稚詐作羯磨
捉三寶物為已受用以是因緣入地獄中

肉捷稚火燒受苦至今不息汝見拘修羅實
非祇支是地獄人迦葉佛時是出家人為僧
寺主以僧厨食街賣得物用作衣裳割僧供
養以是因緣入地獄中作肉祇支火燒受苦
至今不息汝見第二拘修羅實非祇支是地
獄人迦葉佛時是出家人作僧寺中分物維
那以春分物轉至夏分夏分中衣物向冬中
分以是因緣入地獄中作肉拘修羅火燒受
苦至今不息汝見肉山非是肉山是地獄人
迦葉佛時是出家人為僧典座五德不具少
有威勢偷取僧物割僧衣裳以是因緣墮地
獄中作大肉山火燒受苦至今不息

尔時世尊復告僧護汝始初見須曼那柱實
非是柱是地獄人迦葉佛時是出家人當佛
刹人四輩檀越以須曼那華散供養佛華既
乾已比丘掃取賣為已用以是因緣入地獄
中作須曼那柱火燒受苦至今不息汝見第
二須曼華柱實非是柱是地獄人迦葉佛時
等二是出家人當供養刹四輩檀越以須曼那華
油用供養佛比丘減取為已自用以是因緣
墮地獄中作須曼柱火燒受苦至今不息汝
見華樹實非是樹是地獄人迦華佛時是出
家人當僧果菜園有好華果為已私用或與
白衣以是因緣入地獄中作大華樹火燒受

苦至今不息汝見肉果樹實非果樹是地獄
人迦葉佛時是出家人當僧菜果香美好果
私自食噉或與白衣以是因緣入地獄中作
肉果樹火燒受苦至今不息汝見肉樹實非
是樹是地獄人迦葉佛時是出家人為僧當
薪以衆僧薪房中自然或與知識以是因緣
入地獄中作大肉樹火燒受苦至今不息
今時世尊復告僧護比丘汝見第一肉柱者
實非是柱是地獄人迦葉佛時是出家人寺
中常住破佛刹柱為已私用以是因緣入地
獄中作大肉柱火燒受苦至今不息汝見第
二肉柱者實非是柱是地獄人迦葉佛時是

白衣人以刀刮取像上金薄以是因緣墮地獄中作大肉柱獄卒捉斧斫身受苦猛火燒身至今不息汝見第三肉柱者實非是柱是地獄人迦葉佛時是出家人為僧當事用僧梁柱浪與白衣以是因緣入地獄中作大肉柱學二火燒受苦至今不息汝見四肉樹十九實非是樹是四罪人是地獄人迦葉佛時是出家人五德不具作大衆主為僧斷事隨愛怖瞋癡斷事不平以是因緣入地獄中作四肉樹火燒受苦至今不息汝見十四樹者實非是樹是地獄人迦葉佛時是出家人在寺常住不依戒律分諸數具好者自取或隨瞋愛好惡

差別於佛法中塵沙比丘應隨法受不平等
故以是因緣此十四人隨地獄中作大肉樹
火燒受苦至今不息汝見二比丘者實非比
丘是地獄人迦葉佛時是出家人於大眾中
鬪詆相打以是因緣入地獄中火焚身受相
打苦至今不息汝見二沙弥者實非沙弥是
地獄人迦葉佛時是出家沙弥共一被褥中
相抱眠卧以是因緣入地獄中火燒被褥中
相抱受苦至今不息今時世尊重告僧護比
丘以是因緣故我今語汝在地獄中出家者
衆白衣麁少所以者何出家之衆多喜犯禁
戒不順毗尼互相欺凌私用僧物或分飲食

不能平等是故我今更重告汝當勤持戒頂戴奉行

尔時世尊復告僧護我今語汝是諸罪人於過去世出家破戒雖不精進四輩檀越見諸比丘威儀似僧恭敬僧寶四事供養猶故能令得大果報無量無邊不可思議我復語汝學二如前罪人先世出家犯僧物故墮大地獄二十後於未來世中有諸白衣取衆僧物者罪過於前說出家之人百千萬倍不可窮盡我復語汝若一比丘順於毗尼在僧伽藍如法行道依時鳴雅若施此人得福猶多說不可盡何況供養四方僧衆

尔時世尊復告僧護若出家人營僧事業難
持淨戒是諸比丘初出家時樂持淨戒求涅
槃心四輩擅越送供養時是諸比丘應受是
供堅持淨戒後不生惱尔時世尊欲重宣此
義而說偈言

持戒最為樂

身不受諸惱

睡眠得安隱

寤則心歡喜

尔時世尊說是偈已復告僧護有九種人常
處阿鼻大地獄中何等為九一者食僧物二
者佛物三者殺父四者殺母五者殺阿羅漢
六者破和合僧七者破比丘淨戒八者犯淨
行尼九者作一闍提是九種人恒在地獄有

五種人二處受報一者地獄二者餓鬼其地
獄者如汝所見是諸地獄其餓鬼者身形長
大何者為五一者新施衆僧物二者新施僧
食三者劫僧觀物四者應得施能令不得五
者法說非法非法說法此五種人受是二報
餘業不盡五道中受等二今時世尊欲重宣此義
而說偈言中一

行惡感地獄

造善受天樂

若能修空定

漏盡證涅槃

今時世尊復告僧護汝於海中所見龍王受
此龍身牙甲鱗角其狀可畏臭穢難近以畜
生道障出家法亦障修禪無八解脫果難得

長壽不能得免金翅鳥王之所食獸命終之後生兜率天天中命盡得受人身彌勤出世作大長者財富巨億為大檀越供養供給彌勤世尊及諸比丘四事具足是諸長者有五百人同時出家得羅漢果功高名遠衆所知識是諸龍王猶尚能得如是功德況我弟子如法出家坐禪誦經三業具足必證涅槃今時世尊無問自說

歸依佛者得大吉利晝夜心中不離念佛

歸依法者得大吉利晝夜心中不離念法

歸依僧者得大吉利晝夜心中不離念僧

今時僧護弟子五百商人於大衆中聞佛說

法忽然驚怖悟解無常共相謂言我等從昔以
無量劫來處處經歷受生死苦皆是無明貪
心所造即從座起長跪合掌而白佛言我等
今日歸依三寶受持五戒盡形不犯

尔時世尊告僧護曰象僧供養有應得者不

應得者何者應得持戒學三滿足出入常念輕重六二

等持恐怖不犯如是之人應受供養尔時世

尊即說偈言

歡喜受他施 三衣常知足 定慧修三業

安樂在山谷

尔時世尊告僧護曰何者不應受供養持戒

不滿出入不念輕重不畏如是之人不應受

供養。爾時世尊即說偈言。

寧食火鐵丸。焦熱如火焰。破戒不應受。

得信檀越食。

佛告諸善男子善女人。聞此偈者。若得信心。樂出家者。清淨持戒。頂戴奉行。

爾時諸比丘白佛言。世尊如是等輩。五百仙人在。過去世於何法中。種諸善根。於何時中。修行道業。以何業緣。今得出家。煩惱漏盡。證阿羅漢果。如來遍知。明達三世。知諸仙人所修善業。於大眾中。即說本緣。佛告諸比丘。此賢劫中。過去之世。迦葉佛時。人壽二萬歲。有大長者。名曰供意。財富巨億。於孝行中小違。

父母慚愧懺悔即詣佛所出家修道習學未
久作大法師供意比丘說法化度五百弟子
將詣弟子入山林中阿練若處修禪定業心
生歡喜亦教弟子俱修禪定造作禪珍覺杖
法杖法用或就初中後夜精勤不息未得觀
慧學二師徒相戀詳發善願作如是言我等今日
師徒相順於迦葉如來正法之中出家修道
持戒定慧業以此善根願未來世得值釋迦
十号具足天人中尊真實不虛還遇和尚度

我出家漏盡得道

尔時佛告諸大比丘尔時供意長者豈異以
乎即僧護比丘是五百弟子豈異人乎今五

百仙人是因過去世迦葉佛特所種諸善根
因發願故今得正見還值和尚正信出家漏
盡得道今時世尊於大眾中說因緣已時四
部眾歡喜奉行

浴室及六寺

二地摠三瓊

兩瓶漏肉泉

一甕刀削鼻

斫舌水中立

立刺肉廳極

駝馬白烏驢

羝羊雙肉臺

肉房三繩床

肉秤及拘執

床壁肉繩索

廁井兩高座

推二拘修羅

兩肉須曼柱

華果一肉樹

一樹三肉柱

兩雙十四樹

兩僧二沙弥

合有五十六

說法本因緣

佛因僧護說

僧護經一卷

學二

覺寤上音教去驚愕下音冬及慰勞下音到及憤開上音俱

妹及下音蟲蟻上音蚊虻上音耐及音俛及音

仰上音泯目上音訊訊二音軌則上音閑閑上音

噓音遮互上音捷稚上音瓦器上音廿肋上音

勸音斤焦炷二字音跳音爪捶上音肋上音

是音勒跣音踟躕上音咽喉二字音推音

捧打上音甜漿上音融音號音瘞音

徒冬及音浩沸上音剛音骨及音刺上音賜音概音駱音

駝二字音羝羊上音申縮下音拘執上音廁音

初使及音祇支上音斧音捐棄上音緣音

湯流上音特音饋音熨音酢音

洩唾上音階下 舐時紙 咭音紫 躅徒若 鷄

磨上居謁 街賣上音 刮俱八 薄薄 劄上

及綫語汝上音御 闡提上昌 盪音 覲初近 金

翅下音 施去音 瓠戶江



